



## **FAQ HARI PENAMAAN CALON**

### **EJEN PILIHAN RAYA**

#### **1. Adakah calon wajib melantik ejen pilihan raya?**

Tidak. Calon boleh melantik sesiapa yang layak atau melantik diri sendiri sebagai ejen pilihan raya.

Calon yang melantik diri sendiri sebagai ejen pilihan raya adalah tertakluk kepada apa-apa peruntukan di dalam Akta Kesalahan Pilihan Raya 1954.

#### **2. Apakah tugas ejen pilihan raya?**

Tugas-tugas ejen pilihan raya adalah:

- a) Menjalankan tugas-tugas berkaitan dengan pemilihan seorang calon seperti yang dinyatakan di dalam Akta Kesalahan Pilihan Raya 1954;
- b) Melantik wakil calon untuk menyertai Pasukan Penguatkuasa Kempen Pilihan Raya (PPKPR);
- c) Melantik Ejen Tempat Mengundi, Ejen Mengira Undi, Ejen Pengeluaran Kertas Undi Pos, Ejen Barung, Kerani Penyemak Daftar Pemilih (KPDP), kerani, dan pembawa utusan;
- d) Mengurus rekod dan penyata perbelanjaan yang berkaitan dengan pilihan raya bagi calonnya; dan



e) Mengemukakan penyata perbelanjaan pilihan raya dalam tempoh masa yang ditetapkan.

### **3. Adakah Ejen Pilihan Raya boleh hadir di PPC?**

Tidak boleh. Hanya calon/pencadang/penyokong dibenarkan untuk masuk ke dalam PPC.

Walau bagaimanapun, maklumat ejen perlulah dilengkapi di dalam borang SPR 766 (Borang Maklumat Tambahan Calon/Ejen Pilihan Raya) dan diserahkan kepada Pegawai Pengurus pada Hari Penamaan Calon.

